

# Angajoqqaanut aanngajaarniutit pillugit paasissutissiissut



Aalakoornatal



Ikiroornatal



2007



# A

sasagut angajoqqaat!



Aanngajaarniutit pillugit

paasissutissiissutinnguaq ilinnut allagaavoq.

Angajoqqaarpasuit ernumassutigisarpaat meeqqamik  
aanngajaarnartunik atornerluilersinnaanerit, eqqarsaatigisarlugulu  
taama pisoqassagaluarpat qanoq iliussanerlutik.

Inuusuttu inuuneq misiligartarpaat, inuusoqatitik ilagissallugit nuannarisarlugu  
tamannalu ilaanni pisinnaasarpog aanngajaarnartunik atuinertalerlugu.

Taamaattumik pingaaruteqarpog angajoqqaat aanngajaarnartunik  
pillugit ilisimasaqalaarnissaat, pasitsassimagaannilu atornerluisoqalersog  
iliuseqarnissamut sapiissuseqarlutillu pisinnaassuseqarnissaat.

Atornerluisoqarpat piaartunik aalajangersimaqqissaartunillu aaqqiissutissaqanngilaq.

Illissi angajoqqaatut inuusuttoq peqatigalugu iliuseqartussaavusi, sapinngisamik  
ajunnginnerpaamik, eqqortutullu isigisarsi naapertorlugu.

Taamaattorli siunnersuutissaq pitsaasoq tassaavoq:

**Isumaliutigilluarsiuq oqaloqatigiissutigalugulu, immissinnut ataqqeqatigiillusi.**

Inuusuttuaqqat naak qinngarnarsinnaallutillu qanilliuminaassinnaasaraluartut,  
taamaattoq illit qanoq qisuariarnerit inuusuttup nassuerutigisinnaasaanit  
pingaaruteqarneroqaaq. Inuusuttuaqqat "namminersortut"

ajornartorsiormik nalaanni angajoqqaaminnit  
piffissaqarfigineqarnissartik, soqutigineqarnissartik,  
paasineqarnissartik naammagittarfigineqarnissartillu  
mikinermissulli pisariaqartitsigisarpaat.



Angajoqqaat aanngajaarnartunik  
atornerluisoqarneranik paasisaartut

amerlanerpaat sakkortuumik qisuariartarput, atuinissaq  
inerteqqutigalugu. Taamaattorli nakkutilleqqissaarnerit,  
pasillernerit assuarinninnerillu ajoraluartumik siunertamut  
akerliulluinnartumik kinguneqartarput.



Aanngajaarnartunik atornerluinerup kingunerisarpaa inuusuttup avaangusunnera  
kiisalu atuarfimmini, sulliffimmini inoqatimilu akornanni malinnaasinnaanginnera.

Taamaattoqarnera inuusuttup nammineq miserrattigajuttarpaa  
takujuminaatsissinnaallugulu.

**Illit angajoqqaatut iliuseqartuunissat pisariaqarpoq.**

Ajornartorsiutit, piffissap sivijsuajaap ingerlanerani pileriantorsimasut, ajornerulertanngillat  
eqqarsaatigilluaqqaarlugit susoqarnissaalu oqaloqatigiissutigeqqaarlugu iliuseqaraanni.

Inuusuttuaqqamut soqutiginnigut, piffissaqarfigalugu, paasinnillutit, akualugulu. Tusarnaarit  
.... Illillu nammineq erseqqissumik isummerit qanoq tapersersussanerlugu,

piumasaqarfigissanerlugu ilaqutariinnilu inuusuttuaqqap illillu nammineq pisussaaffisi  
suunersut. Soorlu assersuutigalugu nalunngikkusukkit inuusuttuaqqap kikkut sumilu  
ilaginerai, piffissallu isumaqatigiissutaasut malinneqartariaqartut.

Allat ikiuussinnaapput

Allanik akulerutsitsineq iluaqutaasarpog, soorlu tatigisannik  
kommuonissinnilu neqeroorutit apeqqaatillugit. Imaassinnaavoq  
tassaassasoq pinaveersaartitsinerit siunnersortit, ikinngutitit,  
qitornavit ilinniartitsisua, isumaginninnermut allattoqarfik  
peqqinnissaqarfilluunniit.



## Hashi

Hashimik eqqussineq, tuniniaaneq, pisineq,  
akoorineq peqarnerlu inerteqqaatapput.

Hashi naasumit hampimit piarneqartarpoq.  
Hashi akuutissamik THC-mik akoqarpoq,  
taannalu sianiutit sananeqaataannut pigaa-  
ngat taakku sulinerat akornuserneqartarpoq.  
Hashi inuup eqqaamasinnaaneranik  
ilikkagaqarsinnaaneranillu sanngiillisisar-  
poq. Hashi eqjasussaataagajuppoq.  
Suliamik nakkutiginnissinnaaneq annikilli-  
sittarpaa isumarlu allangortittarlugu.  
Qimmanneq pilluammernerlu misigine-  
qarsinnaasarput. Malugisat hashimik aanng-  
ajaarnemi allangortarput: Nipit qaamanerlu  
allaasutut misinnartarput, qamanilu ilukkut  
misigisat allangortarlutik – erumarujus-

sualersoqarsinnaavoq takorruuisoqarlunilu  
(piunngitsunik takusaqarluni tusaasaqarluni-  
nilu).

Hashi nal. akunnerini 3-4'ni ikiaroorutaa-  
sarpog, sunniutaalu atasarput pineraniit  
ulloq unnuarlu tulliuuttoq naallugu.

Hashi uerinartuuvoq.  
Qaammat ilivitsog ullut tamaasa atuisa-  
raanni unitsillugulu avaangusuu-  
tit saqqummersarput: isumaloqqajaaneq,  
eqqissiveqannginneq, meriannugneq,  
timminneq, nukinni noqartoorneq,  
naarlunneq sinnarlunneq.  
Hashimik sivijsuunik atuneq sianiutitigut  
imaannaangitsumik akornusiinnaavoq.

## Naamaarneq

Akuutissat naamaarutaasartut ilarpasui  
peqqinnissamut ajoqutaasumik sunniut-  
tartut allattorsimaffianniipput, qanorlu ator-  
neqarnissaat maleruagassioqarsimalluni.

Naamaartoqartarpoq akuutissanik imper-  
lasunik aalangujasunillu kiisalu akuuti-  
sanik pinngortitap piinik najuussuunik,  
soorlu ikittaap gassissaanik, benzinamik,  
imperlasaammik assigisaannillu.

Sunniuttarnerat inuusuttumiit inuusuttu-  
mut assigiinngittarpoq. Ilaat qiimmattut  
nuannisaartutullu misigisarput, allalu aala-  
koortut, sapiuttutut paatsiveqanngitsu-  
millu oqaluttutut misigisarlutik.

Naamaarnerup kingunerisarpaat qinngap  
qanngulu eqqaasa aappillernerat, nuffiorfiil-  
lu ippinnarsinerat.

Akuutissanik pinngortitap piinik naamaar-  
neq piffissaq qaninnerusog ungasinneru-  
sorlu isigalugit navianartuuvoq.  
Tassangaannartumik navialisoqarsinnaa-  
voq periaarsinnaanerup apparsimaneq  
pissutigalugu, ingasaallugulu pisimagaanni  
toqusoqarsinnaalluni. Naamaartarneq peq-  
qinnissakkut imaannaangitsunik ajoqusi-  
sinnaavoq: eqqaamasinnaasat sulianillu  
nakkutiginnissinnaaneq killeqalersarput,  
qarasaq innarlerneqarluni, tartut, tinguk  
saarngillu patii ajoquserneqarlutik.

## Imigassaq

Aalakoornartoq inerteqqaatannigisog.  
Inuusuttunut angajoqqaat oqarajuttarput  
nammineq piumanerullugu inuusuttup  
"ataasinnguartortarnissaa", aanngajaarnar-  
tunik allanik atuinissaaninnaanniit.  
Illumuli imigassaq maluginarneqartartutulli  
ilumut ajoqutaanngisigaa?

Imigassaq akuutissaavoq, assigalugit  
akuutissat allat nalinginnaasumik innun-  
nut atussallugit pinaveersaarniaqqissaartak-  
kagut. Taamaattorli 18-ileereersimagaanni  
imigassarisooqarlunilu imertoqarsinnaavoq.  
Soorunami inuusuttut imigassamik silatu-  
saartumik atuneq ilikkartariaqarpat  
inuunermillu ingerlaqqinnerani imeriaatsik-  
kut kulturi inooqataaffigiinartariaqarlugu.

Inuusuttup imigassamik qanoq atuinissaanik  
angajoqqaatut kissaatqarneq ilaqutariinniit

ilaqutariinnut assigiinngittarpoq, ataaserli  
qlarnanngilaq.

Angajoqqaat suliasaraat.

Angajoqqaat nalornissutigisaqaat, qaqugu  
qanorlu inuusuttoq fisternerim imernissaan-  
ut akuerissanerlugu. Naluneqanngilarli:  
- Inuusuttup piaartumik imertalersimasut  
aamma tassaasartut inersimasunngor-  
rangamik imigassamik atuinerpaanngor-  
tartut, aammalu  
- Inuusuttup piaartumik imigassamik  
atuilernissaanik akuerineqarnerisigut  
aanngajaarnartunik inerteqqaatun-  
nik misiligaasalernissaat pinaveersaartinneqar-  
tanngitsog.

Taamaattumik inuusuttut 15-it ataallugit  
ukiullit imertariaqanngillat.